

Stáhtaráđi ášahus

guollebivddus Deanu čázádaga oalgečázádagain jagi 2021

Stáhtaráđi mearrádusa mielde mearriduvvo guolástanlága (379/2015) 46 § 3 momeantta, 48 § 3 momeantta ja 52 § 2 momeantta sihke guollebivddus Deanu čázádagas Norggain dahkkojuvvon soahpamuša lálhkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 § 3 momeantta vuodul:

1 §

Guoskadanviidodat

Dán ášahusa mearriduvvo eará guliid go luosa bivddus čuovvovaš Deanu čázádaga luossagoarggunviidodagain:

1) Buolbmátjávri, Gálddašjohka Luovosvárjoga njálmmi rádjái, Badje-Buolbmátjohka Badjedoržži rádjái, Luossajohka Luossajávri rádjái, Morešveaijohka njeallje kilomehtera bajás luoitinsajis Badje-Buolbmátjoga rádjái sihke Skihpajohka vuosttaš luobbala rádjái;

2) Veahčajohka Veahčajávri rádjái ja Váišjohka Váišluobbala rádjái;

3) Ohcejohka Mierašjávri rádjái, Čársejohka Linjinhjálmmis 10 kilomehtera bajás Geavu Fiellogáhjoga njálmmi rádjái;

4) Goahppelašjohka Birkehjohkijnjálmmi rádjái, Birkehjohka Badjedoržži rádjái sihke Goaskinjohka Goaskinjávri rádjái;

5) Njiljohka 13 kilomehtera nuppi juovahatgietti rádjái;

6) Áhkojohka goržži rádjái; sihke

7) Gáregasjohka vihtta kilomehtera Luopmošjohkijnjálmmis bajás.

Guollebivddu 1 momeanttas namuhuvvon viidodagain guoskaduvvo dasa lassin guollebivddus addojuvvon stáhtaráđi ášahusa (1360/2015) dakko buohta go dán ášahusas ii nuppe lálhkái mearriduvvo. Luosa ráfáidahttimis mearriduvvo luossabivddu mearreáigásaš giieldimis Deanu čázádagas jagi 2021 addojuvvon ášahusas (xxx 2021).

2 §

Guollebivddus lobálaš bivdoneavvut

Guollebivdu lea lobálaš dušše čuovvovaš bivdoneavvuiguin ja -vugiiguin:

1) njánnggofierbmi Ohcejoga, Veahčajoga ja Buolbmátjoga čázádagas;

2) stággu ja vuogga;

3) guollehehkke guoika- ja rávdnjeduovdagiid olggobealde;

4) njáhkároahkki jienja alde bivddedettiin.

3 §

Bivdogiieldoguvllut

Bivdu lea gildojuvvon čuovvovaš viidodagain:

1) Badje-Buolbmátjohka oalgejogaidisguin;

2) Gálddašjohka joganjálmmi ja Gálddašjohka Luovosvárjoga njálmmi rádjái mas lea mielde maid Gálddašluoppal ja -láttu;

3) Ohcejohka joganjálmmi rájes gitta Ohcejoga ja Njuorggáma gaskasaš geainnu šalddi rádjái; sihke

4) Čársejohka vuollegoržžis 60 mehtera mátkkis goržži niskkis vulos guvlui.

4 §

Almmolaš vahkkoráfáidahttin

Maŋnelis 5 ja 10 §:s mearriduvvon bivdoáigodagaid áigge visot bivdu lea gildojuvvon sotnabeaivvis diibmu 19 rájes vuossárgii diibmu 19 rádjái earret guollebivddu jávrriin 200 mehtera duohken joga oivošis dahje njálmmis.

5 §

Guollebivdoáigodat stákkuin ja vuokkain

Stákkuin ja vuokkain oažžu bivdit Buolbmátjoga, Veahčajoga ja Ohcejoga čázadagain geasemánu 1. beaivvi rájes gitta borgemánu 31. beaivái.

Eará go 1 momeanttas dárkkuhuvvon čázadagain stákkuin ja vuokkain lea lohpi bivdit geasemánu 1 beaivvi rájes gitta borgemánu 20. beaivái.

6 §

Ráddjehusat mat gusket seavtti ja áŋkorbivdosiid

Seaktin ii oaččo geavahuvvot reahka, guolli iige máhtu.

Njáhkároahki geavahus lea lobálaš dušše go njáhká bivdojuvvo jieŋa alde. Deanu čázadagas váldojuvvon jápma seakteguolli lea goittotge lobálaš njáhkároahkiin guolástettiin ja máhtu geavahus seaktin lea lobálaš jieŋa alde oaggumis.

Go stággu dehe vuogga geavahuvvo, de áŋkoriin eai oaččo leat ávnnjaldagat dahje ávnnjaldagat galget deddojuvvo gitta. Vuokkas oažžu lea eanemustá okta golmmasuorat áŋkor dahje eanemustá golbma ovttasuorat áŋkora.

7 §

Veahkkeneavvu mii geavahuvvo stággobivddus

Bivdosii darvánan guoli loktemis gáddái oažžu veahkkeneavvun geavahit dušše hoava.

8 §

Gildojuvvon stággobivdinduovdagat

Stággoguollebivdu lea gildojuvvon:

1) 10 mehtera lagabus njáŋggofierpmi;

2) šalddi alde;

3) fatnasis ja gáttis 200 mehtera lagabus oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gálddašjoga ja Badje-Buolbmátjávrris njálmmis Buolbmátjávrris.

9 §

Godđojuvvon bivdosiid geavahanmeari ráddjehus

Guollebivddus lea lohpi geavahit ovttáigásaččat eanemustá vihtta njáנגgofierpmi giddodaga guovdu.

10 §

Guollebivdináigi njáנגgofierpmiin

Guollebivdu njáנגgofierpmiin lea lobálaš johkaossodagain vain jieñaid vuolgimis geassemánu 20 beavvi rádjái sihke borgemánu áigge.

Guollebivdu lea liikká lobálaš oppa jagi jávrriin guhkkelis go 200 mehtera geahčen joga oivošis dahje njálmmis.

11 §

Fanasbivdu

Stággoguoillebivdu lea gildojuvvon fatnasis.

12 §

Bivdosiid merken

Bivdinláhkái biddjojuvvon njáנגgofierpmit ja buodut galget merkejuvvot čielgasit nu, ahte čáziid alde johttit fuobmájit daid. Bivdosat galget merkejuvvot uhcimustá 15 sentemehtera čázeroaivvi bajábeallai olli govddohagain dahje uhcimustá 40 sentemehtera čázeroaivvi bajábeallai olli stákkoži giddejuvvon láhpui, man oaneheamos siiddu guhkkodat leat uhcimustá 15 sentemehtera.

Bivdosiidda galget merkejuvvot bivdosa biddji namma ja oktavohtadieđut sihke dan giddodaga namma, masa bivdovuogatuhta gullá. Njáנגgofierpmái mearka giddejuvvo bivdosa geahčái giddejuvvon govddohakkii, mii oidno bures.

13 §

Bivdu fierbmebivdosiiguin

Njáנגgofierbmi, mii geavahuvvo guollebivddus, oázžu leat eanemustá 2 mehtera allosaš bodnefierbmi, mas lea fierbmečoalli ovttain vuoksain almmá seahka haga ja mii lea válmmaštuvvon nailonláiggis, mas lea okta sáiggar, man assodat oázžu lea eanemustá 0,20 millimehtera.

Njáנגgofierpmiin guolástettiin ii oáččo geavahuvvot dahkurávdnesuodji iige vuojahatfierbmi.

Njáנגgofierpmi galljodat ferte leat uhcimustá 29 millimehtera ja dat oázžu leat eanemustá 35 millimehtera čuolmma gaskačuoggáš čuovvovaš čuolmma gaskačuoggái njuoska bivdosis mihtidettiin.

Buolbmátjávrris, Ohcejoga luobbaliin sihke Veahčajoga Rievssatjávrriin njáנגgofierpmit, mat geavahuvvojit eará guliid go luosa bivdimii, ožžot leat alibut go 2 mehtera ja reaskábivddus lea lohpi geavahit fierpmiid, maid galljodat leat uhcimustá 17 millimehtera. Čakčamánu 1 beavvi rájes cuoŋománu 30 beavvi rádjái oázžu ovdal namuhuvvon viidodagain fierpmi geavahuvvot čázeroaifierbmin. Fierpmiid galljodat galgá dalle leat unnimustá 18 millemehtera ja dat oázžu leat eanemustá 50 millemehtera.

14 §

Oalli ja bivdosiid gaskkat

Njánggofierpmi mihkkege osiid ii oaččo ollit váldo- dahje siidorokki oali rastá. Bivdosiid olggumus oassi ii oaččo ollit gokkoge 10 mehtera lagabui buohtalas gátti, eaige rokki sulluid, lássáid ja gárgoit, maid gaskii bohtet iežaset rokket.

Bivdima várás biddjon njánggofierpmit eai oaččo leat gokkoge 60 mehtera lagabus nubbi nuppi.

15 §

Fierbmebivddu gielddusviidodagat

Njánggofierbmi dahje buođđu ii oaččo biddjojuvvot 200 mehtera lagabui oalgejoga lagamus gátti Geavu ja Čársejoga njálmmis Geavojávrris, Čársejoga njálmmis Geavus dahje Gáld-
dašjoga ja Badje-Buolbmátjoga njálmmis.

16 §

Sálašalmmuhus registarii

Guollebivdi lea geatnegahtton doallat sálašbeaivegirjji šleatgahámis dahje báhpára alde. Guollebivdi ferte maid almmuhit guollebivddus Deanu čázadagas Norggain dahkkon soahpamuša lánkaásaheami suorggi mearrádusaid fápmuibidjamis ja guoskadeamis addojuvvon lága (176/2017) 7 §:s dárkkuhuvvon Deanu šleatgasálašregistarii juohke bivdojuvvon luosas, dápmohis/guvžžás, ruoššaluosas ja girjeluosas čuovvovaš dieđuid:

- 1) joga dahje jávrris, mas guolli lea bivdojuvvon;
- 2) bivdobeaiivemeari;
- 3) guoli sohkaheami, deattu ja guhkkodaga;
- 4) luitojuvvon guliid meari šlájaid mielde;
- 5) bivdoneavvu.

Luitojuvvon guoli sohkaheami, deattu ja guhkkodat ii goittotge dárbbas almmuhuvvot.

Sállaša haga báhcán bivdi galgá almmuhit 1 momeanta 1, 2 ja 5 čuoggain dárkkuhuvvon dieđuid.

Sállašat fertet almmuhuvvot mánotbaji siste guollebivdoáigodaga nohkamis. Almmuhussii galgá gullat guđege bivdojuvvon šlájaid ollesdeaddu nu ahte dat lea sierra šlájaid mielde sier-
ranaston.

Bivdolobiid luohpadeaddji geatnegasvuodas ordnet guolásteaddjái beassama

šleatgasálašregistarii mearriduvvo guollebivddus Deanu čázadagas Norggain dahkkon soah-
pamuša lánkaásaheami suorggi mearrádusaid fápmuibidjamis ja guoskadeamis addojuvvon lága
8 §:s.

17 §

Fápmuiboahhtin

Dát ášahus boahdá fápmui miessemánu 1 beaivvi 2021 ja lea fámus gitta juovlamánu 31 beaivvi rádjái 2021.

Dáinna ášahusain gomihuvvo stáhtaráđi ášahus guollebivddus Deanu čázádaga oalgečáziin (297/2017).

Helssegis cuoŋománu 29 beaivve 2021

Eana- ja meahccedoalloministtar Jari Leppä

Ráđđádalli virgeolmmoš Tapio Hakaste